

¡BOMBA!

Ya se ve feo el futuro para todos los migrantes, se sabía desde antes que Trump trae a su *hombre duro*



K'uintsil

Martes 12 de noviembre de 2024

CAMPECHE · YUCATÁN · QUINTANA ROO · AÑO 10 · NÚMERO 2361 · www.lajornadamaya.mx



Píitmánan le beeyka'aj yáax jets'a'an k'aas iik' ku yúuts'benta'al Pakistán

Afp / p 31
Oochel Reuters

Tu bejilo'ob u ka'ap'eel asab k'a'anan noj kaajil Pakistán, Lahoree', chiika'an u piimil ba'ax ku buuts'aankil ku beetik u jela'anjajal u yich yéetel u beel u kaal máak. Te'el najo'obo', ma' ya'ab máak ma' táan u biinsik u paalal te'el najilo'ob xooko', tumen jach píitmánanja'an u k'aasil le iik' te'el ja'aba.

Rafia Iqbal, juntúul xka'ansaj 38 u ja'abile', k'a'abéet u ts'áak xook ti' Internet tak tu k'iinil 17

ti' noviembre, ts'o'oke' chi'ichnak yóok'olal u toj óolal u xoknáalo'ob, ba'ale' beyxan u ti'al u paalal, Sameen, 11 u ja'abil, yéetel Haider, 5.

«Paalale' laj oráa ku sasak'kaal, ku yaalankil u siin u ni'ob, ku chokwilo'ob. Te'el najilo'ob xooko', u ya'abil paalale' k'oja'an", tu ya'alaj ti' AFP.

Ts'o'ok maanal jump'eel semana píitmánanak u jach k'aasil iik', óoli' je'ex mix juntéen yáax úuchuko': Lahore, tu'ux kaja'an 14 miyonesil

máak, óoli' sáansamal ts'o'ok u máan yóok'ol mil, ts'o'oke' ka'ache' kéen k'uchuk 300e' leti'e' kéen a'alak "sajbe'entsil" iik' ti'al wíinik.

Multan, uláak' jump'eel u noj kaajil Punjab, tu xuul kaajil yéetel India, u iindiseil tu píitmánansaj 2 mil, jump'eel ba'al mixjuntéen yáax ila'ak.

U mola'ayil Organización Mundial de la Salud (OMS) ku ya'alik sajbe'entsil u xáantal

wíinik ti' buuts' je'ex bix le je'elo', tumen je'el u beetik k'aak'as ba'al tu ts'o'omel u pool máak, u k'oja'antal u puxsi'ik'al wíinik, u jelpajal u ch'a'ak u yiik' máak, ba'ale' u ya'abile' ti' paalal.

Jump'eel u purificadoril iik'e' chéen ti'al ayikal máak: le maas ma' jach k'o'ojtake' ku tojoltik kex 90 dolares, u náajal juntúul funcionario te'elo', ba'ale' maanal u 40% kaaj te'elo', kuxa'an ich óotsilil.